




Toropo ya haeso



SESOTHO

VulaBula

Lentswe le sebediswang haholo (ikgopotse)
nna

Mantswe a sebediswang haholo

seteishene

enjine

Medumo (ikgopotse)

hl, jw, kg, ll, ng, nt, oo, th, tl, ts

Medumo

tjh (batjhaki, setjhaba, tjhang)

ntsh (bontsha, ntshetsa, ntsha)



Dibuka tsa Mophato wa Motheo tse
theoseditsweng boemong bo tlase

Di phatlaladitswe ka 2012 ke Molteno Institute for Language and Literacy

E thehilwe ho ya ka dibuka tse tsheheditsweng
ka ditjhelete ke Zenex Foundation



***** *Toropo ya haeso*

- Mohlophisi: [Jenny Katz](#)
- Baqapi ba pale: [Jenny Katz](#) le [Mirna Lawrence](#)
- Mosebetsi: [Jenny Katz](#)
- Setsebi sa puo ya Sesotho: [Mmasibidi Setaka](#)
- Seakanyi: [Shayle Bester](#)
- Boakanyi le boqapi: [Resolution](#)



Creative Commons Attribution-
NonCommercial-NoDerivatives (CC
BY-NC-ND) 4.0 International Licence

Disclaimer: You are free to download and
share this work as long as you attribute the
Molteno Institute for Language and Literacy,
but you may not change this work in any way
or use it commercially.



© 2012 Molteno Institute for Language and Literacy



ISBN 978-1-77580-073-6

Toropo ya haeso






Dumela! Lebitso la ka ke Karabo. Tloho ke tlo o bontsha toropo ya haeso. Ke rata batjhaki!

Sena ke sekolo sa ka. Ke bala kereiti ya 2. Ke rata ho ya sekolong.



Mosuwe wa rona o re ruta ho bala le ho ngola.
O mosa o na le pelo e telele.



Ena ke kereke
ya rona. Nna le
lelapa leso re
rapela teng.

Re dula re
ntshetsa kereke
koleke ha re na
le yona.



Moruti o a re rerela a be a
re etelle pele ka thapelo.
Hape o etella dibini tsa
kerekeng pele. Ke moetapele
wa setjhaba sa mona.




SETEISHENE SA MAPOLESA

Sena ke seteishene
sa mapolesa.

Mapolesa a rona a
re sireletsa hape a
re hlokomela. A re
thusa haholo ha re
na le mathata.

Ke rata ho palama
koloi ya mapolesa e
mathang ka lebelo le
hodimo e nang le
sello sa temoso!






Jwale re
ditimamollong.

Ke rata enjine ya
teng ya mollo e
kgubedu! Setimamollo
se na le setepisi se
se lelele le metsi a
ho tima mollo.

Batho ba timang mollo
ba na le sebete haholo.
Ba ntsha batho ka
meahong e tjhang.






Mona ke sepetlele.
Na o bona koloi ya
bakudi? E tlisa
batho ba kulang le
ba lemetseng
sepetlele.

Baoki ba thusa
dingaka ho re
hlahloba le ho re
alafa. Ba re fa
meriana le diente.
Jo! E ka re nka
baleha ha ke bona
ente!





Laeborari ke ena.

Ke sebaka se thotseng
se kgutsitseng sa
ho bala.

Mosebeletsi wa teng
o re thusa ho fumana
dibuka tse monate tsa
ho bala. O dula a re
re eketse tsebo ya
rona. Re kadima
dibuka ho bala hae.



Jo! Na e se e le nako
ya hore o tsamaye?

Ke a tseba – ha re
fane diaterese. Na o
bona poso? Ke tla o
posetsa mangolo ka
poso e be mosebeletsi
wa poso o tlisa a hao
heso.

Mohlomong ke tla tla
toropong ya heno ke
tlo e bona ka tsatsi
le leng!

MOSEBETSI


Ke mang a sebetsang mona? Bapisa sebaka ka seng le motho a nepahetseng.



1 sepetlele




A lepolesa la mosadi




2 kereke



B mosuwe



3 ditimamollong




C mooki



4 seteishene sa mapolesa



D moruti



5 sekolo



E motimamollo

Dibuka tsa **Vula Bula** di ikgethile mme buka ka nngwe e hlaho dipuong tsa Afrika Borwa tsa setso, hape e akantswe ho latela tswelopele ya tlhaho le ditlhoko tse itseng tsa dithuto tsa puo eo.



Kgato ya ★ (8)

Jo!
Rala o sehe
Bidika
Bala
Baleha!
Robala
Mamela
O se ke!

Kgato ya ** (5)

Konomaka
Monehelo
Lehae
Ntate o na le Pule
Seba

Kgato ya *** (8)

Ke la mang lebidi le?
Leeto
Fesetere e thubehile!
Thusa!
O kae Palesa?
Re bapala mokoko
Bohobe bo joweng
Leino

Kgato ya **** (5)

Lelapa le reka diaparo
Sehwete se seholo
Moya le Letsatsi
Bolokela hosane
Takatso tse tharo

Kgato ya ***** (6)

Sopo ya lejwe
Mmutla le sekolopata
Tau le tweba
Ho baka le nkongo
Toropo ya haeso
Afrika Borwa ya rona

Dibuka tsena di fana ka menyetla e mengata ya ho bala ka sehlopha, ho tataiswa, ho bala ka bobedi le ho bala ka bonngwe hore ba utlwisise medumo le mantswe a sebediswang haholo kapa maano a ho sheba le ho bua. Dipolelo tse bonolo le mantswe a tlwaelehileng a dumella tswelo pele ya ho bala. Ditshwantsho tse bohehang, tse hlakileng di etsa hore ba utlwisise ha bonolo.

SESOTHO